



Centos enchem as ruas galegas em solidariedade com Maria Osório

CEIVAR :: 17/06/2014

Nesta jornada de mobilizaçom ante a detençom da militante independentista Maria Osório, centos fôrom as pessoas que se achegárom até as concentraçons convocadas polo Organismo Popular Anti-repressivo CEIVAR. Desde as oito e média da tarde em dez localidades do País despregárom-se faixas e berrou-se em apoio à galega retaliada.

Nas vilas de Noia e Burela a presenza policial foi constante. Em Noia um Patrol da Guardia Civil estivo dando voltas continuamente e dous agentes uniformados tentárom intimidar às assistentes. Em Burela os polícias registrárom o carro a um solidário e agentes à paisana gravárom a mobilizaçom.

No resto de pontos transcorreu todo com normalidade e incluso em Compostela saírom em manifestaçom pola zona velha rematando o ato na Praça do Pam cantando o Hino da Pátria.

Desde CEIVAR novamente queremos agradecer a solidariedade mostrada com Maria Osório assim como com o resto de presos independentistas galegos. Estamos ante umha carreira de fundo onde o importante será consolidar o apoio e encher as ruas de arroupo e solidariedade. Esta será a nossa melhor ferramenta.

Parabéns a todas!

Avante o Povo solidário!

A nossa solidariedade é imparável!

https://www.lahaine.org/mm_ss_est_esp.php/centos-enchem-as-ruas-galegas-em-solidar